

Nr. 2 2023/24

### Part generala

#### Glista naira da la CDEP (EDK)

La conferenza dals directurs chantunals da l'educaziun publica (CDEP) maina ina glista da las persunas d'instrucziun, da las qualas l'autorisaziun d'instruir è vegnida retratga. La glista naira possibilitescha a las autoritads da scola da controllar, sch'ina persuna d'instrucziun è vegnida privada da l'autorisaziun d'instruir en il rom d'ina procedura chantunala. Per ch'ina retratga da l'autorisaziun d'instruir possia vegnir examinada en il chantun Grischun, è il departament d'educaziun, cultura e protecziun da l'ambient (DECA) dependent da l'annunzia da las persunas d'instrucziun correspondentes tras las autoritads da scola. Ultra da quai annunzia la procura publica dal Grischun da nov al DECA proceduras penales relevantas e decisiuns finalas da la procedura, per ch'ina eventuala retratga possia vegnir examinada tras il departament.

CDEP: Formaziun da magistraglia



#### Mediomatix

La pagina d'internet davart la retscha da meds d'instrucziun "Mediomatix" è vegnida concepida cumplettamain da nov. Suenter l'elecziun da l'idiom pon vegnir consultadas online las survistas dals cuntegns e dals singuls toms, sco er ils cuntegns da la "Grammatica da scola". La website permetta da nov er d'integrar exercizis online. Quels vegnan elavurads en in emprim pass en il rom dal project "Mediomatix Surmiran" e vegnan pli tard probablamain era realisads per ils ulteriurs idioms. Actualmain stattan a disposiziun 15 exercizis en l'idiom surmiran per la 3. classa. Naturalmain chattan ins vinavant sin la pagina d'internet las indicaziuns davart la retratga dals meds d'instrucziun sco er davart l'utilisaziun dals e-books e davart il support.

[pagina internet Mediomatix](#)



#### Glisch verda per dus meds d'instrucziun dal stgalim secundar I

La regenza ha approvà l'elavuraziun da documents per il med d'instrucziun "Schauplatz Ethik 7 fin 9" per talian. Plinavant ha la regenza dà glisch verda per la translaziun dal med d'instrucziun online Aper orientaziun professiunala "Profolio" en sursilvan. Igl è previs d'estender ils meds d'instrucziun en cas da basegn er sin las otras regiuns linguisticas.

#### Tschertgadas plazzas da praticum

La Scola auta da pedagogia dal Grischun (SAPGR) crescha. 650 plazzas da praticum dovrà per studentas e students da la SAPGR sulet l'onn 2023. La qualitat da la scolaziun dependa spezialmain da la qualitat da las persunas d'instrucziun da la pratica. I profitan da tuttas duas varts: Las studentas ed ils students emprendan da las persunas d'instrucziun cun experientscha. Las scolas pon liar las scolarias ed ils scolars talentads baud al team. Las direcziuns da las scolas èn supplitgadas d'annunziar las persunas d'instrucziun adattadas directamain al manader da la pratica professiunala, signur Men Gustin.

[adressa da contact Men Gustin](#)



## Admetter scolaras e scolars da l'Ucraina en scolas medias

Las cundiziuns d'admissiun da scolaras e scolars ucranais cun status da protecziun S a scolas medias èn scleridas. Ina recepcziun cun ademplir tschertas prescripziuns è pussaivla. Infurmaziuns pli detagliadas en chaussa dat in fegl d'infurmaziun elavurà da l'uffizi per la furmaziun media-superiura.

Fegl d'infurmaziun: Scolaras e scolars da l'Ucraina en scolas medias grischunas



## Promover furmaziun da medias en scola

La furmaziun da medias tutga oz tar l'incumbensa indispensabla da mintga scola. Per las personas d'instrucziun e per las direcziuns da scola munta quai ina confruntaziun activa: co vegnan duvradas medias digitalas a moda nizzaivla en l'instrucziun e tge pussaivladads sa resultan? Tge signifitga quai areguard la rolla da la persuna d'instrucziun? "Giuventetgna e medias", la plattaforma naziunala per la promozion da las cumpetenzas da medias, porscha numerus cuntegns per concepir l'instrucziun en moda raschunaivla cun medias digitalas.

Furmaziun da medias – sfidas per la scola



Survista da temas da medias digitalas



## UNESCO - Patrimoni mundial en Svizra

Ina nova pagina d'internet interactiva mussa ils lieus dal patrimoni mundial da la UNESCO en Svizra sco lieus d'emprender ordaifer la scola per l'emprima giada sin ina suelta plattaforma. La furmaziun en il patrimoni mundial è ina furmaziun d'emprender cun il chau, cun il cor e cun il maun. Sin la nova plattaforma da furmaziun, ch`è accessibla gratuitamain, sa tracti da monuments da natira e da cultura ils pli unics en Svizra. La pagina d'internet porscha tranter auter ina gronda schelta da viadis da scola, da visitas guidadas u d'emnas da project. Er il material d'instrucziun per integrar l'ierta mundiala en l'instrucziun da scola gioga ina rolla impurtanta. La plattaforma s'orientescha als ciclus dal Plan d'instrucziun 21 e vegn accumpagnada permanentamain da novs cuntegns captivants.

pagina d`internet "ourheritage"



## L'emprim Poetry Slam Contest dal Grischun per giuvenils

L'onn 2024 stat sut l'ensaina dal giubileum da «500 onns Stadi liber da las Trais Lias». Cun questa chaschun vegn l'istorgia da noss chantun messa en pleuds, raquintada ord perspectiva da giuvenils, messa a la glisch – purtada sin tribuna! Cun la furma artistica moderna dal Slam Poetry. Giuvenils pon s'annunziar per quest project captivant. A chaschun da workshops da dus dis en l'entir chantun vegnan scolaras e scolars cussegliads e trenads dal poet da slam, autur e cabarettist grischun Jachen Wehrli per esser fits per la tribuna. As participai! Nus As suppligain sco personas

d'instrucziun da render attent Vossas scolaras e Voss scolars al contest e da discutiar la publicaziun cun ellas e cun els.

ulteriuras infurmaziuns



## La tgira da dents el Grischun

La tgira da dents en il mintgadi da scola è ina clav per l'egalitatad da las schanzas e per promover la sanadad da noss uffants da scola: Communabel per in saun rir d'uffants. La tgira da dents elllas scolas presta in' impurtanta contribuziun al l'egalitatad da schanzas cun rinforzar las cumpetenzas da sanadad dils uffants en scola ed en scolina. La profilaxa da dents tar ils uffants da la Svizra è in success istoric Dapi ch'ins ha introduci la tgira da dents elllas scolas è il caries tar ils uffants sa sminui per 90 procent. Mintga quartal vegn il lavar dents elllas scolas surprais da las personas d'instrucziun. La tgira da dents elllas scolas è in concept che vegn ordinà dil chantun. Nus essan engraziaivels per lur stentas e che las personas d'instrucziun intgreschan il lavar dents en lur plan da scola. Ensembe procurain nus per sauns dents e per ina bona sanadad.

ulteriuras infurmaziuns



## Adia

Avant precis ventg onns è vegnida tramezza l'emprima INFO per personas d'instrucziun, per direcziuns da scola e per autoritads da scola en tut las scolas popularas dal chantun. En 142 circularas èn dapi lura vegnids communitgads temus da scola actuals per tut ils stgalims da scola en tut las otg linguis da scola e mess a disposiziun ulteriuras pussaivladads d'approfundaziun.

Jau engraziel a mes team per ses grond engaschi en favur da la scola populara grischuna e per il grond sustegn che jau hai dastgà dumbrar sco manader da l'inspecturat da scola durant quest lung temp en tut ils champs d'activitad ed en il rom da numerus projects da scola chantunals.

Jau giavisch a tut las personas d'instrucziun, a las direcziuns da scola ed a las autoritads da scola bler plaschair e success en la furmaziun da lur scola centralisada che rinforza noss uffants e giuvenils ch'els uschia pon ir lur via da vita a moda fidada, conscienta da sasez e curaschusa. Grazia.

Andrea Caviezel, manader dal inspecturat da scola

Amicabels salids

Chantal Marti-Müller

Manadra USS

Andrea Caviezel

Manader dal inspecturat da scola

# Part regiunala

## Terms

### Promoziun e valitaziun onn da scola 2023/24

Visitas da scola V&PS Plessur-Grischun central



### Occurrentza d'infurmaziun per cussegls da scola

L'occurrentza ha lieu ils 15 da novembre 2023, da las 19-21 en l'aula da la scola "Dorf" a Tusaun.

### Cussegliazion spezialisada INSULA per direcziuns da scola

l'aula da la scola "Dorf" a Tusaun, 7 da favrer 2024, 14-17

### Attestats da semester e decisiun d'assegnaziun 2024

Fin da semester	26-01-2024
Assegnaziun provisorica	26-01-2024
Assegnaziun definitiva	15-04-2024
Giudicament d'admissiun tenor protesta	28/29-05-2024

*Cordials salids*

*Team da l'inspecturat da scola Plessur-Grischun central*

*Christina Nigg (manadra dal district), Damian Dosch,  
Philipp Hugentobler, Daniela Zanelli ed Elisabeth Caluori  
(secretariat)*

